

Rhaglen Staff Nyrsio Cymru Gyfan

Diweddariad Ffrwd Waith Iechyd
Meddwl - Ionawr 2022



Cynnydd hyd yma

Mae'r ffrwd waith iechyd meddwl i gleifion mewnol yn parhau i wneud cynnydd da, gan fod cwrdd y rhaglen yn cael ei mireinio er mwyn canolbwyntio ar wardiau derbyn a thriniaeth i ddechrau.

Egwyddorion Staff Nyrsio Interim ar gyfer Wardiau Derbyn a Thriniaeth

Dros y 6 mis diwethaf, mae'r ffrwd waith iechyd meddwl wedi bod yn dyfeisio egwyddorion drafft interim staff nyrsio ar gyfer wardiau derbyn a thriniaeth. Diben yr egwyddorion yw sicrhau bod timau iechyd meddwl ar draws Cymru yn dilyn dull cyson o gynllunio'r gweithlu. Byddant yn darparu gwybodaeth werthfawr drwy sefydlu darlun sylfaenol manwl o'r gweithlu nyrsio presennol yn nodi'r bwlch adnoddau rhwng y sefyllfa bresennol a chydymffurfio'n llawn â'r egwyddorion hynny; a chau'r bwlch hwnnw dros amser gyda chydymffurfio cynyddol graddol wrth baratoi ar gyfer unrhyw reoliadau yn y dyfodol ar gyfer ymestyn ail ddyletswydd Deddf Lefelau Staff Nyrsio (Cymru).

Mae wardiau derbyn a thriniaeth wedi cwblhau cyfres o archwiliadau clinigol a gweithredol yn ystod mis Hydref 2021. Roedd y data a gasglwyd gan bob ward yn sail i'w hasesiad effaith unigol yn erbyn pob un o'r egwyddorion a fydd yn cael eu hadolygu cyn i'r egwyddorion gael eu cyhoeddi gan Lywodraeth Cymru.

Lefelau Gofal Cymru

Yn dilyn gwaith gan gannoedd o nyrsys iechyd meddwl rheng flaen, mae'r offeryn Lefelau Gofal Cymru drafft ar gyfer wardiau derbyn a thriniaeth wedi'i gymeradwyo mewn paratoad ar gyfer ei brofi gan dimau gweithredol o fewn y byrddau iechyd. Mae'r grŵp ffrwd waith yn paratoi cynllun cynhwysfawr i gefnogi timau gweithredol ar gyfer treialu'r offeryn yn gynnar yn 2022. Ar ôl cwblhau'r cynllun peilot, bydd y ffrwd waith yn adolygu'r canfyddiadau ac yn ceisio adborth gan dimau gweithredol a fydd yn cael ei ddefnyddio i fireinio'r offeryn.

Barn Broffesiynol

Cynhaliwyd archwiliadau barn broffesiynol ar wardiau derbyn a thriniaeth yn ystod mis Tachwedd 2021 gan ddefnyddio offeryn barn broffesiynol sy'n parhau i gael ei ddatblygu a'i fireinio i gipio barn broffesiynol y nyrs o ran lefelau staff nyrsio sydd eu hangen i ofalu am gleifion mewn wardiau derbyn a thriniaeth. Bydd y data'n cael ei ddilysu gan bob bwrdd iechyd a'i ddadansoddi, bydd canfyddiadau'r archwiliad yn cryfhau'r sylfaen dystiolaeth sy'n sail i'r offeryn ac yn llywio unrhyw newidiadau y gallai fod eu hangen.

Dangosyddion Ansawdd

Mae'r is-grŵp dangosyddion ansawdd wedi cynnal cyfres o weithdai gyda nyrsys rheng flaen i archwilio dangosyddion ansawdd penodol sy'n sensitif i'r gofal a ddarperir gan nyrs i gleifion mewn wardiau derbyn a thriniaeth. Bydd rhagor o sesiynau'n cael eu trefnu yn gynnar y flwyddyn nesaf i ddatblygu'r gwaith hwn a mireinio'r dangosyddion ansawdd. Yn y cyfamser, mae'r llyfrau gwaith barn broffesiynol yn datblygu sylfaen dystiolaeth gadarn i gefnogi dangosyddion ansawdd ychwanegol ar gyfer wardiau derbyn a thriniaeth.

Camau nesaf

- Caiff canfyddiadau o'r asesiadau effaith a gwblhawyd gan fyrddau iechyd eu casglu, eu hadolygu a'u cyflwyno i grŵp Staff Nyrsio Cymru Gyfan, Cyfarwyddwyr Nyrsio Gweithredol a'r Prif Swyddog Nyrsio
- Llywodraeth Cymru i gyhoeddi egwyddorion staff nyrsio interim ar gyfer wardiau derbyn a thriniaeth
- Cynhelir gweithdai pellach i ddiffinio dangosyddion ansawdd sensitif o ran nyrsys sy'n benodol ar gyfer wardiau derbyn a thriniaeth.
- Llyfrau gwaith barn broffesiynol i'w diwygio ar y cyd gyda rheolwyr ward ac arweinwyr tîm wrth baratoi ar gyfer yr archwiliad nesaf a gynlluniwyd ar gyfer Mehefin 2022
- Cynnal profion peilot ar yr offeryn Lefelau Gofal Cymru drafft o fewn wardiau derbyn a thriniaeth

I gael mynediad at gylchlythyrau blaenorol a chael gwybod mwy am Raglen Staff Nyrsio Cymru Gyfan a'r gwaith a wneir gan y ffrwd waith, ewch i wefan.